

ILLVSTRISSIMO PRINCIPI  
AC DOMINO, D. GVLIELMO,  
LANDGRAVIO HASSIAE: COMITI IN  
*Catzenelnbogen, Dietz, Zigenheyn, & Nida, &c.*  
*Domino suo Clementissimo.*

**A**RTE M Musicam, Illustrissime Princeps Gulielme, Domine clementissime, veterum nonnulli in tanto honore habuerunt, vt eam & primā quādam Philosophiam vocārint, & Deorum opus esse crediderint: Nam & Pythagoras orbium cœlestium motus, concentu Harmonico constare aperi-  
tissimē affirmauit: & Angelos Deo exercituum, in cœlis carmen modulari,  
& sanctus DEVS ZEBAOTH, ter voce ingeminare, Sacrarum literarum  
monumenta prodiderunt: vt non immerito Pindarus dixisse mihi vidca-  
tur: Deo inuisos esse, qui Musicam & Pieridum voces oderint. Qua re factum arbitror, vt & ho-  
die artis huius præclarissimæ vsus, non in Templis tantum & Scholis, sed etiam in Regum &  
Principum aulis longè maximus sit. Intelligunt enim viri sapientes, & cordati Reges ac Prin-  
cipes, Musicen non modo magnum decus atque ornamentum Templis & Scholis, Aulisque  
afferre, sed plurimum etiam vtilitatis & fructus, in affectibus hominum vel abigendis, si  
prauisunt, vel excitandis, si boni sunt, in hac mortali vita præstare. Id quod exemplo Dauidis  
& Saulis, ac testimonio sapientissimi Salomonis notissimum est: quorum alter Cythare pulsū  
malum genium à furioso Rege auertit: alter vinum & Musicam cor hominis latificari dixit.

a a 2 Quid?